

МОНГОЛ АРДЫН ХУВЬСГАЛТ НАМЫН АЙМАГ, СУМЫН ИРГЭДИЙН ТӨЛӨӨЛӨГЧДИЙН ХУРЛЫН 2020 ОНЫ СОНГУУЛИЙН МӨРИЙН ХӨТӨЛБӨР

ИРГЭДЭЭР ОВОГЛОСОН, ИРГЭДИЙН ТӨЛӨӨ “ЭРҮҮЛ ХОТ” ХӨТӨЛБӨР

Зорилго:


Монгол Ардын Хувьсгалт Нам нь Дархан-Уул аймагт болон орон нутгийн иргэдийнхээ ашиг сонирхлыг удирдлага болгож, ардчилал, эрх чөлөөний үзэл санаанд тулгуурлан экологийн чиг баримжаатай улс төр нийгэм-эдийн засгийн тогтвортой хөгжлийг бий болгон эрүүл аюулгүй хотод амьдрах боломжийг бүрдүүлэхэд оршино. Дээрх зорилтыг хэрэгжүүлэхийн тулд:

- Монгол хүн бүр эрүүл аюулгүй орчинд амьдрах эрхийг дээдэлж “Өрх бүрд орон сууц” хөтөлбөрийг хэрэгжүүлэн жил бүр олон мянган өрхийг орон сууцаар хангах
- Дархан-Уул аймгийн залуучуудад төр засгийн зардлаар дээд боловсрол олгож, нарийн мэргэжил эзэмшүүлэх хөтөлбөр хэрэгжүүлэх
- Иргэн бүрийн эрүүл мэндийн эмчилгээ, үйлчилгээний зардлыг төрийн өмчийн эмнэлгээр үйлчлүүлэхэд төр засгаас бүрэн хариуцаж иргэд эрүүл мэндээ хамгаалуулах эрхээ бүрэн эдлэх
- Иргэдээ ажлын байраар хангах, орлогын найдвартай эх үүсвэртэй болгох
- Иргэдийн авах цалин амьдралд нь хүрэлцэхүйц байх, хөдөлмөрийн хөлсөөрөө сайхан амьдрах боломжийг бүрдүүлэх
- Ядууралд өртсөн иргэдээ “Хүрэлцэхүйц орлого”-той болгох, ядуурлыг бүр мөсөн арилгах
- Төр засгийн бүх шатны байгууллагуудыг авилгаас цэвэрлэх
- Төрийн албанд ажиллагсдыг намын харъяалал үзэл бодлоор ялгаварлан халж солих болон сургалтыг зогсоож мэргэшсэн шударга чадварлаг ажилтныг бэхжүүлж тогтвортой ажиллах нөхцөл бүрдүүлэн хариуцлагыг дээшлүүлэх

Орон нутгийн төр засгийн байгууллага, албан тушаалтнууд хариуцлага хүлээдэггүй өнөөгийн гаж тогтолцоог халж Монгол хүнийг хамгаалдаг иргэндээ ээлтэй нутгийн захиргааны шинэ тогтолцоонд шилжинэ.

МАХН нь эх оронч үзэлтэй мянга мянган шударга иргэдийн ирүүлсэн экологи, улс төр, соёл, эдийн засаг болон нийгмийн хөгжлийн өнөөгийн дүр төрхийг дүгнэсэн, улс эх орныхоо хөгжлийг хурдасгах өргөн хүрээтэй шийдвэртэй ахмуудыг санал болгож байна.

Хөтөлбөрийн хүрээнд МОНГОЛ СОЁЛ ИРГЭНШИЛ дэд хэсэгт экологи, улс төр, соёл, эдийн засаг болон нийгмийн асуудлаас бүрдсэн хоорондоо харилцан хамааралтай хүн төвтэй хөгжлийн бодлогыг бий болгоно.



НЭГ. ИРГЭН ТАНЫ АМЬДРАЛД:

Иргэн та нас, хүйс, шашин шүтлэг, намын харъяалал, угсаа гарал, оршин амьдарч буй газар, нийгмийн байр сууриас үл хамааран хүн бүр эрхэм чанараа мэдрэн, айх аюулгүй, эрх чөлөөтэй “Эрүүл хотод” амьдран, сурч боловсрох эрхтэй.

- Төрийн болон хувийн хэвшлийн салбарт нас, хүйс, зүс царайгаар ялгаварлан гадуурхахыг зогсоох
- 0-2 хүртэлх насны хүүхдээ асарч байгаа эцэг эхчүүдэд орон нутгийн төсвөөс амьдрах хэмжээнд хүрэхүйц “Баталгаатай орлого”-ыг олгохыг бодлогоор дэмжих
- Жирэмсэн эмэгтэйчүүд 3-5 хүртэлх насны хүүхэдтэй ажилчин, ажилтныг ажиллуулж буй аж ахуйн нэгжүүдийг татварын бодлогоор дэмжих
- “Монгол хүн-Оюунлаг иргэд” харилцааг төлөвшүүлэх зорилгоор хүүхэд бүр амьдралын түвшнээс үл хамааран цэцэрлэг, ЕБС, мэргэжлийн болон их дээд сургуульд суралцах тэгш боломжийг бүрдүүлэх
- 0-5 хүртэлх настай хөгжлийн бэрхшээлтэй хүүхдэд зориулсан эрт дэмжлэгийн хөтөлбөр боловсруулж, хэрэгжүүлэх
- Иргэн бүр дэлхийн стандартад нийцсэн орчин үеийн дэвшилтэт тоног төхөөрөмж, технологи бүхий төрийн өмчийн эрүүл мэндийн байгууллагаар үйлчлүүлэн эрүүл мэндийн эмчилгээ, үйлчилгээний зардлыг төр засаг бүрэн хариуцдаг тогтолцоог эхлүүлэх
- Иргэдийн эрүүл мэндийг хамгаалах, урьдчилан сэргийлэх, дэмжих зорилгоор иргэд биеийн тамирыг хүн бүрийн амьдралын эрүүл дадал нөхцөл болгох бололцоог нээхийн зэрэгцээ “ЭРҮҮЛ ЗӨВ АМЬДРАЛ”, “ЗӨВ ХҮНС” хөтөлбөр хэрэгжүүлнэ.


ХОЁР. ӨРХ, ГЭР БҮЛИЙН АМЬДРАЛД:

Монгол Улсын тулгуур баялаг нь “Монгол өрх” мөн тул Дархан-Уул аймгийн төвүүдэд амьдарч буй өрх гэр, залуу гэр бүл, иргэдийг тохилог орон сууцанд амьдрах бодлогыг боловсруулан, өрх бүрийг орон сууцаар хангах зорилт тавьж ажиллана. Үүнд:


- Аймгийн төв, сумдад хувийн орон сууц барих бодлогыг дэмжин ажиллах
- Бичил болон өрхийн бизнесийг дэмжих талаар аймаг, сумын төвүүдэд зөвлөх үйлчилгээг үзүүлэх төвүүд байгуулах, нас насны онцлогт харгалзсан тусгай хөтөлбөрийг хэрэгжүүлэн иргэдийн хөдөлмөр эрхлэлтийг дэмжих
- Өрхийн үйлдвэрлэл, үйлчилгээг дэмжих санхүү, зээлийн төвүүдийг дэмжих зэрэг зорилтот бичил банк, санхүүгийн байгууллага байгуулж, хөнгөлөлттэй нөхцөлөөр зээл олгосноор айл өрх, аж ахуйн нэгжийн орлого, бизнесийн боломжийг нэмэгдүүлж, ажлын байрыг шинээр бий болгоно.

ГУРАВ. АЙМАГ, СУМЫН ХҮРЭЭНД:

- Дархан-Уул аймгийн агаарын болон хөрсний бохирдол, орчны бохирдол, дэд бүтцийн асуудлыг цогцоор шийдвэрлэн цэвэр агаар, эрүүл хөрс, ногоон байгууламж бүхий экологийн тэнцвэртэй орчныг бүрдүүлэх
- Залуучуудад зориулсан гарааны бизнесийг дэмжих “Старт апп” хөтөлбөрийг хэрэгжүүлж, бизнес эрхлэгч залуучуудад зориулсан “Дундын оффис”-ыг сум бүрд байгуулах



- Эмэгтэйчүүдийн эрхэлж буй бизнесийг дэмжих зорилго бүхий санхүүгийн байгууллага байгуулж ажиллах
- Аймгийн төвд жил бүр 200 хүртэлх гарааны бизнесийг дэмжих хөтөлбөрийг хэрэгжүүлэх
- Хөгжлийн бэрхшээлтэй хүүхдийн эцэг эхчүүдэд зориулсан уян хатан ажиллах ажлын байр олноор бий болгох хөтөлбөр хэрэгжүүлэх
- Ахмадуудыг төр засгийн байгууллагад сайн дурын зөвлөхөөр авч ажиллуулж, ахмад мэргэжилтнүүдийг зохих урамшуулалтайгаар ажиллуулсан ААН-үүдийг татварын тогтолцоогоор урамшуулах
- Хөгжлийн бэрхшээлтэй хүүхдүүдэд зориулсан сувилал, сэргээн засах төвийг байгуулах ажлыг эхлүүлэх
- Аймаг, сумдад амьдарч буй иргэдийн эрүүл, аюулгүй байх нөхцөлийг хангасан амьдралын таатай орчин бүрдүүлсэн эко хот, аймаг хөтөлбөрийг хэрэгжүүлэх
- Орон нутагт амьдрах таатай эрүүл цэвэр, ногоон технологи бүхий орчинг иргэдийн оролцоотойгоор бүрдүүлэх
- Аймаг, сумын төвүүдэд төр хувийн хэвшлийн оролцоотой хүүхэд, залуучуудын хөгжих орчин нөхцөлийг бүрдүүлсэн цэнгэлдэх хүрээлэн, клубууд, урлаг соёлын газрууд, судалгаа шинжилгээ, танин мэдэхүйн үйл ажиллагаа явуулах эрхийг аж ахуйн нэгжүүдэд чөлөөтэй олгох ажлыг зохион байгуулах
- Аймаг, сумын төвүүдэд хөдөө аж ахуй, малын гаралтай нэмүү өртөг шингэсэн бүтээгдэхүүний үйлдвэрлэлийг дэмжиж хөгжүүлэх
- Хүнсний аюулгүй байдлыг ханган, малын гаралтай эцсийн бүтээгдэхүүнийг экспортлон малчдын орлогыг төрөлжүүлэн нэмэгдүүлэх зорилгоор малыг эрүүлжүүлэх аяныг өрнүүлэх
- Зах зээлийн мэдрэмжтэй, хөрвөх чадвар сайтай, зохистой сүргийн, малжуулах зээлийг төр-арилжааны банкны хамтын ажиллагаанд түшиглэн хэрэгжүүлж, зээлийн дарамтаас малчдыг чөлөөлөх боломжийг бүрдүүлэх
- Сумдад “Цагаан алт” болох ноосыг боловсруулах, жижиг дунд үйлдвэрийг дэмжин ажиллах
- Алслагдсан сумдын малын бэлчээрийг худаг усаар хангахад дэмжлэг үзүүлэх
- Нутгийн удирдлагын чадамжийг дээшлүүлэх, иргэдэд хууль эрх зүй, удирдлагын туслалцаа үзүүлэх, боловсон хүчний асуудал, бүс нутгийн МСҮТ боловсон хүчний сургалт дадлагажилтын шийдвэрлэхэд дэмжлэг үзүүлэх
- Хүүхдийн сургууль, цэцэрлэгийн хүрэлцээг нэмэгдүүлэн хүүхдэд ээлтэй ногоон орчин бүрдүүлэх бодлогыг хэрэгжүүлэх
- “Эрүүл зөв амьдрал”, “Зөв хүнс” хөтөлбөрийг нэн тэргүүнд цэцэрлэг, сургууль, олон нийтийн үйлчилгээний газруудад хэрэгжүүлэх
- Багш нарыг орон сууцжуулах, аймаг, сумдад багшлах боловсон хүчнийг дэмжих, сургалтад хамруулах үйл ажиллагааг санхүүжүүлэх зорилгоор аймаг, сумын засаг даргын дэргэд “Багш” сан байгуулж ажиллуулах



- Нийтийн үйлчилгээ болон зорчих тээврийн орчин нөхцөлийг хөгжлийн бэрхшээлтэй иргэдэд зориулж тэдэнд ээлтэй, хүргээмжтэй, саадгүй байх олон улсын стандартад нийцсэн хуулийг санаачилж хуульчилах
- Сумдын иргэдийн мэдээлэл, харилцаа холбоог сайжруулах
- Төсвийн байгууллагын удирдлага санхүүжилтийн тухай хуулинд өөрчлөлт оруулан, орон нутгийн төсөв, санхүүгийн эрх мэдлийг нэмэгдүүлэх
- Аймаг, сумын засаг даргыг иргэд шууд сонгодог тогтолцоог бий болгох
- Буруу хувьчлалаар хаалга барьсан үйлдвэрүүдийг үйл ажиллагаанд оруулах, сэргээх арга хэмжээ авах

Үүнд:

- Хувьчилж авсан эзэдтэй хариуцлага тооцох, харилцан хамтран ажиллаж төрөөс дэмжлэг үзүүлэх замаар сэргээх
- Урьдны хамтран ажилласан, харилцан тусалж хамтарч байгуулсан найрсаг харилцаатай орнуудтай харилцаагаа сэргээж хамтран ажиллах

МОНГОЛ АРДЫН ХУВЬСГАЛТ НАМ

